

## नाथ मैं थारो जी थारो

नाथ मैं थारो जी थारो।

चोखो, बुरो, कुटिल अरु कामी, जो कुछ हूँ सो थारो॥

बिगड्यो हूँ तो थारो बिगड्यो, थे ही मनै सुधारो।

सुधर्यो तो प्रभु सुधर्यो थारो, थाँ सूँ कदे न न्यारो॥

बुरो, बुरो, मैं भोत बुरो हूँ, आखर टाबर थारो।

बुरो कुहाकर मैं रह जास्युँ, नाँव बिगडसी थारो॥

थारो हूँ, थारो ही बाजूँ, रहस्युँ थारो, थारो!!

आँगलियाँ नुँहँ परै न होवै, या तो आप बिचारो॥

मेरी बात जाय तो जाओ, सोच नहीं कछु हारो।

मेरे बड़ो सोच यों लाग्यो बिरद लाजसी थारो॥

जचे जिस तराँ करो नाथ! अब, मारो चाहै त्यारो।

जाँघ उघाड्यौँ लाज मरोगा, ऊँडी बात बिचारो॥

<https://alltvads.com/bhajan/lyrics/id/9608/title/nath-me-tharo-ji-tharo>

अपने Android मोबाइल पर [BhajanGanga](#) App डाउनलोड करें और भजनों का आनंद ले |